

AKHBAR : BERITA HARIAN
MUKA SURAT : 3
RUANGAN : DASAR & PENTADBIRAN

Dr Dzulkefly tak kisah digelar 'Mr 3 meters'

Sepang: "Saya tidak kisah digelar 'Mr 3 meters' kerana kuat kuasa larangan merokok di premis makanan," kata Menteri Kesihatan Datuk Seri Dr Dzulkefly Ahmad.

Dr Dzulkefly berkata, beliau tidak kisah dipanggil dengan gelaran apa sekali pun kerana hasratnya dan Kementerian Kesihatan mahu melindungi keselamatan rakyat yang terancam kerana asap rokok.

Menurutnya, lanjutan tempoh pengkuatkuasaan pendidikan bagi larangan merokok di premis makanan juga bukan pusingan U, se-

baliknya mahu memberi masa yang cukup kepada perokok kerana mereka juga ada hak.

"Hak itu bagaimanapun tidak sampai menjejaskan kesihatan org lain," katanya ketika berucap pada sambutan Hari Tanpa Tembakau dan Nafas Baru Bermula Ramadhan Peringkat Kebangsaan 2019 di Pantai Bagian Lalang, semalam.

Yang turut hadir Pengurus Jawatankuasa Tetap Kesihatan, Kebajikan, Pemberdayaan Wanita dan Keluarga Selangor Dr Siti Ma-



Dr Dzulkefly Ahmad

riah Mahmud.

Katanya, Kementerian Kesihatan tidak menganggap perokok sebagai musuh.

Pelbagai usaha dilakukan

Dr Dzulkefly berkata, pelbagai usaha dilakukan bagi memastikan perokok mendapat bantuan untuk berhenti merokok, termasuk perkhidmatan klinik berhenti merokok di hospital dan klinik kerajaan serta swasta.

"Panduan mengenai bantuan berhenti merokok boleh didapati

dengan hanya melayari laman sesawang www.jomquit.gov.my dan juga bantuan berhenti merokok melalui Infoline Berhenti Merokok di talian 03-98334409," katanya.

Beliau berkata, sudah tiba masanya untuk memperkasa golongan bukan perokok agar mereka mampu mengatasi tidak kepada asap rokok.

Menurutnya, terdapat 85 peratus penduduk Malaysia yang tidak merokok dan mereka berupaya untuk membantu pihak kementerian menjayakan kempen ini.

AKHBAR : BERITA HARIAN

MUKA SURAT : 69

RUANGAN : DALAM NEGERI

Acap masih penjawat awam, gaji terus dibayar

IPOH 4 Mei - Peserta larian Gopeng Ultra Trail 2019 (GUT 2019) Mohammad Ashraf Hassan atau Acap yang hilang ketika menyertai larian itu pada 23 Mac lalu masih lagi berstatus penjawat awam walaupun masih belum ditemui sehingga kini.

Mohammad Ashraf, 29, yang bertugas sebagai juruteknologi makmal perubatan di Pejabat Kesihatan Muar, Johor disedari hilang selepas mangsa tidak tiba di garisan penamat meskipun bera da pada kedudukan 10 peserta teratas bagi kategori 25 kilometer.

Timbalan Menteri Kesihatan, Dr. Lee Boon Chye ketika menge sahkan status itu berkata, ini kerana pihak kementerian belum menerima apa-apa notis berhubung status kerja beliau daripada Suruhanjaya Perkhidmatan Awam (SPA).

"Walaupun mangsa masih belum ditemui tetapi selagi tiada apa-apa (aranan bertulis) daripada SPA maka Acap masih lagi petugas kementerian.

"Jadi secara amnya pembayaran gaji beliau masih berjalan sehinggalah ada arahan selanjutnya daripada pihak SPA," ujarnya.

Beliau berkata demikian dalam sidang akhbar selepas merasmikan Seminar Hen tikian Penderaan Peringkat Negeri Perak di Mydin Mall Meru di sini hari ini.

Turut hadir, Pengarah Kesihatan negeri Perak, Datuk Dr. Ding Lay Ming.

Mengulas lanjut kata Boon Chye, SPA mempunyai prosedur tertentu yang perlu diambil kira berhubung tatacara bagi menamatkan kontrak atau status pekerjaan penjawat awam.

Pada 23 Mac lalu, Acap yang berasal dari Muar, disedari hilang selepas tidak tiba di garisan penamat larian itu.

Kehilangan Acap menjadi tumpuan masyarakat dengan operasi mencari dan menyelamat masih diteruskan hingga hari ini oleh bomba selain sukarelawan yang datang dari segenap pelosok negara.



DR. LEE BOON
CHYE

AKHBAR : KOSMO**MUKA SURAT : 8****RUANGAN : SEMASA**

Ashraf masih terima gaji, kemudahan penjawat awam

IPOH – Kemudahan termasuk gaji diterima oleh Mohammad Ashraf Hassan yang hilang semasa menyertai larian Gopeng Ultra Trail (GUT) '2019 pada Mac lalu masih diteruskan seperti biasa walaupun lelaki itu masih belum ditemui.

Mohamad Ashraf, 29, merupakan juruteknologi makmal Klinik Kesihatan Muar, Johor.

Timbalan Menteri Kesihatan, Dr. Lee Boon Chye berkata, sebagai penjawat awam, kemudahan yang diterima Mohammad Ashraf dikekalkan sehingga terdapat keputusan muktamad mengenai keadaannya.

“Dia masih hilang, tapi perjawatan masih ada. Ada proses tertentu apabila seseorang hilang, buat sementara Jabatan



ASHRAF



KERATAN
Kosmo!
28 Mac 2019.

Perkhidmatan Awam harus bayar gajinya,” katanya selepas merasmikan seminar Hentikan Penderaan Peringkat negeri Perak di Meru di sini semalam.

Mohammad Ashraf hilang pada 23 Mac lalu dan operasi mencarinya ditangguhkan semestara berkuat kuasa 17 April lepas setelah tiada sebarang petunjuk baharu ditemui oleh pasukan penyelamat.

Mangsa menyertai GUT 2019 bersama 485 peserta lain memulakan larian kategori 25 kilometer dari Gua Tempurung pada 23 Mac lalu.

Kehilangan mangsa disedari oleh rakannya apabila Mohammad Ashraf tidak sampai selepas perlumbaan.

AKHBAR

: SINAR HARIAN

MUKA SURAT : 11

RUANGAN : NASIONAL

Nyatakan hak

Kerajaan lancar kempen perkasakan bukan perokok agar berani menegur perokok

SEPANG

Kementerian Kesihatan semalam melancarkan kempen *Speak Out: Express Your Right, Protect Your Lung* (Bersuaralah: Nyatakan Hak Anda, Lindungi Paru-paru Anda) bagi memperkasakan bukan perokok menyatakan hak mereka dalam mendapatkan persekitaran bebas asap rokok.

Menterinya, Datuk Seri Dr Dzulkefly Ahmad berkata, langkah itu bukan bertujuan untuk berkonfrontasi dengan perokok tetapi lebih kepada memberikan ruang kepada 85 peratus penduduk yang tidak merokok mengekspresikan hak dan meyakinkan golongan perokok untuk berhenti merokok.

"Menyedari bahaya asap rokok kepada manusia, kementerian berpendapat sudah tiba masanya untuk mengambil inisiatif



DR DZULKEFLY

memperkasakan golongan bukan perokok agar mereka mampu mengatakan tidak kepada asap rokok basi.

"Ketika ini terdapat 85 peratus penduduk negara ini tidak merokok dan kita yakin mereka berupaya membantu kerajaan menjayakan kempen yang akan dijalankan selama lima tahun, iaitu sehingga 2025," katanya ketika melancarkan kempen itu di sini.

Beliau berkata kempen itu diperkenal selepas kajian Bahagian Pendidikan Kesihatan ke atas 1,430 responden yang dijalankan pada 4 April hingga 28 April lepas menunjukkan 98.4 peratus menyokong pihak kerajaan menjalankan kempen *Speak Out*.

Daripada jumlah itu, 96 peratus bersetuju bahawa mereka akan menegur perokok yang merokok di sekeliling mereka, katanya.

Dalam pada itu, Dzulkefly berkata sehingga kelmarin, sebanyak 25,791 amaran bertulis dikeluarkan kepada pemilik premis makanan daripada 90,078 premis makan yang diperiksa sejak larangan merokok di tempat makan dikuatkuasakan Januari lepas. - Bernama

AKHBAR : Sinar Harian**MUKA SURAT : 39****RUANGAN : SETEMPAT**

Jawatan, gaji Acap masih kekal

IPOH – Jawatan dan gaji Mohammad Ashraf Hassan, 29, peserta Gopeng Ultra Trail yang hilang ketika menyertai larian itu, sejak Mac lalu masih dikekalkan.

Timbalan Menteri Kesihatan, Dr Lee Boon Chye berkata, meskipun kehilangan yang sudah melewati lebih 40 hari itu belum mendapat sebarang kepastian, jawatannya sebagai juru teknologi makmal perubatan di Klinik Kesihatan Maharani, Muar, Johor masih wujud.

“Beliau masih dikategorikan sebagai kes orang hilang jadi hak sebagai penjawat awam harus dikekalkan sehingga ada keputusan muktamad mengenai perkara itu.

“Jadi memang sepatutnya Jabatan Perkhidmatan Awam (JPA) membayar gaji beliau seperti biasa,” katanya ketika ditemui pemberita pada majlis perasmian Seminar Hentikan Penderaan peringkat Negeri Perak 2019 di Mydin Meru Raya semalam.

Beliau berkata, dalam kesesedemikian, terdapat prosedur tertentu yang perlu

diikuti sebelum sebarang keputusan dibuat terhadap individu terbabit.

“Prosedur ini biasanya akan ambil sedikit masa tetapi buat sementara ini gaji beliau dibayar seperti sebelumnya,” katanya.

Mohammad Ashraf atau dikenali dengan panggilan

Acap disedari hilang selepas mangsa tidak tiba di garisan penamat meskipun berada pada kedudukan 10 peserta teratas bagi kategori 25km.

Usaha mencari dan menyelamat yang digerakkan hingga kini belum lagi menemui sebarang bukti atau kesan kedudukan beliau berada.

Dalam pada itu, mengulas mengenai keracunan metanol, Boon Chye yang juga Ahli Parlimen Gopeng berkata, setakat ini terdapat empat kes baru dilaporkan menjadikan keseluruhan enam kes dengan dua kematian berlaku di Perak.

Katanya, daripada empat kes berkenaan, tiga dilaporkan berada dalam kritis dan menerima rawatan di unit rawatan rapi (ICU) dan seorang ditempatkan di wad.

**BOON CHYE**

AKHBAR : UTUSAN MALAYSIA

MUKA SURAT :

RUANGAN :

1,000 penduduk Kampung Ayer Ganda terjejas

Air belum selamat diminum

Rintihan RAKYAT

leh ZAKI SALLEH
engarang@utusan.com.my

IPOH 4 MEI

KIRA-KIRA 1,000 penduduk Kampung Ayer Ganda di Gerik terpaksa menyambut Ramadan dengan bergantung kepada bekalan air bersih daripada lori tangki beritan loji rawatan air (LRA) di kampung itu masih belum selamat untuk diminum.

LRA Ayer Ganda dengan keuayaan mengeluarkan 0.68 juta liter air sehari itu membekalkan air kepada 312 buah rumah penduduk di kampung tersebut.

Timbalan Menteri Kesihatan, Dr. Lee Boon Chye berkata, hasil pemeriksaan pihaknya mendapati, air daripada loji berkenaan



DR. LEE BOON CHYE (tengah) menunjukkan isyarat tangan 'tidak' semasa merasmikan Seminar Hentikan Penderaan Peringkat Negeri Perak di Ipoh, semalam.

hanya boleh diguna untuk kegunaan harian selain minuman.

Ini kerana katanya, kadar bacaan logam arsenik sampel air loji tersebut masih tinggi.

"Pihak kementerian telah memaklumkan kepada Suru-

hanjaya Perkhidmatan Air Negara (SPAN) menerusi surat minggu lalu berhubung perkara ini untuk tindakan selanjutnya.

"Kita tidak mempunyai bidang kuasa untuk mengarahkan LRA Ayer Ganda dibuka atau

tutup tetapi bertanggungjawab melakukan pemeriksaan dan pemantauan sahaja," ujarnya.

Beliau berkata demikian dalam sidang akhbar selepas merasmikan Seminar Hentikan Penderaan Peringkat Negeri di Mydin Mall Meru di sini hari ini.

Mengulas lanjut, kata Boo Chye, berdasarkan pemeriksaan semasa pihaknya masih mendapati, air loji berkenaan tidak selamat untuk diminum tetapi boleh digunakan bagi tujuan lain seperti mencuci.

"Saya berharap pihak berkenaan dapat menyediakan bekalan air bersih secukupnya untuk kegunaan penduduk di kampung tersebut sehingga keadaan kembali pulih," katanya.

LRA Ayer Ganda dihentikan operasinya pada 9 April lalu selepas sampel air menunjukkan paras arsenik yang rendah dan di bawah piawaian Pertubuhan Kesihatan Sedunia (WHO).